

四庫全書

子部

欽定四庫全書

六藝之一錄卷三百八十五

錢唐倪濤撰

歷朝書譜七十五

元賢墨蹟

詩翰 書畫題跋記

趙文敏公諸賢天冠山詩

峭石立四壁寒泉飛雨龍人間苦炎熱仙境已秋風  
龍口巖

真人栖隱處洗藥有清池金丹要沐浴玉水自生肥  
洗藥

池

丹成神仙去井冽寒泉食甘美無比倫華池咽玉液鍊

井

修巖如長廊下有流泉注山中古仙人步月自來去廊

巖

攀蘿緣石磴步上金沙嶺露下色熒熒月生光炯炯沙

嶺

仙臺高幾許時時覆雲氣一去三千年令人每翹企昇

巖

茲巖足逍遙下可坐百人  
豈徒木石居直與猿鶴鄰  
逍遙

巖

靈湫不受污深淺何足計  
小憩松竹鳴蕭蕭山雨至  
靈湫

我嘗遊惠山泉味勝牛乳  
夢想寒月泉攜茶就泉煮  
寒月

泉

飛泉如玉簾直下數千尺  
新月橫簾鈎遙遙挂空碧  
玉簾

泉

竹實鳳將至水深魚自行著我草亭裡危坐學長生

長生

池

道人本避世問之無姓字如何千載後石室有人至

道人

巖

雷公起卧龍為國作霖雨飛電掣金蛇其誰敢予侮

雷公

巖

巨靈長亘天何時化為石特立千萬年終古無人識

石人

峯

仙人非癡人山中猶讀書嗟我廢學久聞此一長吁  
學堂

巖

有石象老人宛然如繪素稽首禮南極蒼蒼在烟霧人  
峯

峯

月巖如偃月風泉灑晴雪仙境在人間真成兩奇絕月  
山雞愛羽毛飲啄琪樹間照影寒潭靜翔集落花間  
窈窕石室西中有仙人躅說與牧羊兒慎勿傷吾足  
足仙

巖

鬼谷巖前石唐文字字奇何當拂蒼蘚細讀老君碑  
鬼谷巖

石壁何空洞中有風冷然安知列禦寇不向此中仙  
洞風

仙者非有求坐石視投釣咄哉羊裘翁同名不同調  
釣臺

神龍或淵潛石洞通水府勿遣兒曹劇飛空作雷雨  
潭礫

山險通鳥道水深有蛟龍誰言仙樂鳴高人方耳聾  
聲香

潭

我有泉石癖甚愛山中居何當從羣公講學讀吾書  
山三

石

洞中即仙境洞口是桃源何殊武陵路雞犬自成村五石

林藪未為隱山厓猶可梯終當攜家去瑤草正萋萋小隱巖

醺雞舞甕中井蛙居海底莫作一線看開眼九萬里一線天

道士祝丹陽示余天冠山圖求賦詩將刻石山中為



作此廿八首延祐二年十月廿四日松雪道人

山鬼小兒足水精游女神據會學真隱下視飛花塵小隱

深睡失明珠猛走飛流涎松花卷輕雨滴滴百重泉馨香

露盤下金薤雲笈流珠纓泠泠寒巖下猶有嬰兒聲學堂

縱橫太古石短長千歲藤感彼巖居子獨飲古澗水鬼谷

巖

寥寥入太清金門繚紫垣或云有官府微誦五千言昇仙臺

垂綸落層臺小魚儵然來大魚引之去釣石何崔嵬釣臺

茲山可容天舉世皆笑之我不答此語鼓腹支其頤線一天

分一只成五五石各有一誰能據其上面面不相失面石

曉汲寒泉清明月各在缶缶空不見月引水復在手寒泉

金沙雖為貴履之傷我足愧彼側布人欲獲無量福沙金  
嶺

飲冰人已去山中多白洲青蘋空淺處時見玉蟾浮長  
池

高帽側整整秀嶺深重重積此太古雪遂名老人峯老  
峯

三山不可度絕壁峙書堂流水日浩浩太極彌茫茫山石

沈沈無底谷央央太古雲赤石焦下土老蛟眠不聞潭

截玉作明簾不知簾外事應有碧眼仙隔簾見人至簾

泉

淪玉未得法變形成楚囚九轉乞換骨三沐期點頭石

峯

山深猿狖驚瞬息下神步空飛本無蹤長嘯上天去足仙

巖

顧免樂嬉遊入地不得騁化為白玉泉彷徨返東井

月巖

神鈞起空洞陰火生羽翰我耳杳不聞白雲在天冠

雷公

巖

道人本無姓對客那有言龍口迸石髓鳥跡開雲根

道人

巖

金鼎閟寒泉真人彌不壞年深定飛騰子夜吐光怪

井丹

靈根乘月吐肉芝生土肥濯以上源水千年永不饑

洗藥

池

孤飛千仞岡兩翼化為石年年春風時山花成五色

鳳山

岡風轉空輪浩劫不停息此為天地根視之杳無跡

風洞

形留非自在何者為逍遙青松在谷口白雲在山腰

逍遙洞

巖

弄月紅玻璃匿雲紫芙蓉近已厭狡獪納息玄虛中

龍口

巖

飛吟起霞珮馭氣躡天梯碧雲布參差纖修與巖齊

長廊

巖

靈龜道其前游鯨殿其後歲久深自韜清夜巖下走湫

清容居士書

噴薄細成霧噫嘻忽為風孰知生死關在此呼吸中龍  
巖

隱芝生肥水飛根漱靈泉流香到人世飲者壽萬年洗  
池

古丹深藏井晨光發崖谷有能下取之錫以兩環玉井丹

神仙不愛寶萬古玉為簾願遣天風約當明弄海蟾

玉簾

泉

細霧不濕衣落月見長影緩引步虛吟盡此秋衣冷

廊長

巖

昔踏金沙灘今陟金沙嶺卻來瑣骨觀即是太陽鼎

金沙

嶺

絕景斷塵情寥寥入太清可須臺百尺更待羽翰生

飛昇

臺



昔誦逍遙游長憶藐姑射百世待神人瘦影落寒石逍遙巖

澄空如不測為谷廓能容沙石俱成寶龜魚總是龍靈湫

無盡山下泉普供山中侶各持一瓢來總得全月去寒泉

竹根飛赤鯉荷葉戲靈龜不道神仙宅長生別有池長生池

斷崖窮鳥道絕頂出秋旻能此高居者誰非有道人道人

巖

冠顛風披披垂領雲皓皓諸峯羅兒孫獨得老人號

峯

神物時時出人間皆震驚誰知巖上看才是小兒聲

雷公

巖

巖圍徑尺雪天墮第二月豈無凌虛人飛行廣寒闕

巖月

失脚落人間一往不復收遂令學者步只循行迹求足

巖

開闔雲無定從橫石作關任渠名鬼谷亦未離人間鬼  
洞

渾渾復浩浩刁刁仍泠泠空洞幾如許蓄此無邊聲風  
何年餐石髓屹立照清波如此成終古長生亦為何人  
峯

翩翩學仙子羣居此山巔定無書可讀殆以聲相傳學  
巖

聖神千古上風雨九疑空只有山中竹旋為十二宮  
鳳山

潭水下深黝日星隱文章鼓雲出石氣洒雨作龍香馨

巖

危石上崙欹清風百尺垂故人恐多事莫道釣翁誰釣臺

未始滿盈過何曾波浪興衆皆資善利此獨保無能潭

三山可飛渡舟楫不能通莫執茲峯石攀緣浪費功山

石

一石作五分何者是真面柱杖試敲看莫作點頭見五

石

深潛避世塵長恐與名徇故是絕知者誰言無隱人隱小巖

太空誰是碍峽徑事幽行天體元無外通君一線明線一  
天

余賦此詩時以小字書之袁伯長學士禮部王繼學  
尚書趙承旨先後同賦雜書同一卷後云失去復得  
趙公如前而求書其後偶閱故紙得藁草餘紙漫錄  
之虞伯生甫

飛泉龍口懸平石，黿背展高會。瀛洲人一笑，滄浪淺龍口巖。

長生底須學神芝，何處采不見洗藥人。清波湛然在藥池。

丹井只三尺，四時無虧盈。餘波飲可仙，我亦願乞靈。丹井天孫織玉簾，懸之千仞石。垂垂不復收，滴滴空山碧。玉簾泉。

誰謂山中險，長廊亦宴然。花開春雨足，月落山人眠。長廊。

巖

峻嶺接仙臺仙人獨往來  
簫聲吹月落鶴翅拂雲開

金沙

嶺

高臺去天咫尺有仙從此昇  
遺跡若可攀山雲白層層

昇仙臺

臺

老竹空巖裡懸崖飛水前  
欲識逍遙境試讀逍遙篇

逍遙巖

巖

神龍蟠泥沙宅此巖之阻  
遊人勿輕觸歷歷聽秋雨

靈湫

泉清孤月現夜久空山寒不用取烹茗自然滌塵煩月寒泉

池修竹夾清池一亭山之西長生人已去誰能汨其泥生長

道人出白雲空巖為誰碧獨往誰得知時有鶴一隻人道巖

巖谷口陰風來山頭暮雲舉但見飛電光山人賀春雨雷公



何年南極星墮地化為石至今明月夜清輝倚天碧  
老人

峯

飛泉何許來明月此夜滿登高立秋風妙處無人歎  
一足不能行神仙寧此留祇以形之似高蹤何處求  
足仙

巖

道散亦已久世變如浮雲石壁有太古為問空同君  
鬼

巖

清風貯深洞四時長飀飀然無遽發散我山中雲  
洞

仙人立危峯欲作凌雲舉飄然閱浮世獨立寂無語石峯

仙人讀書處樵子時聞聲猶勝爛柯者只看棋一枰學巖

孤鳳棲山中白雲護清境朝陽早飛來月落空巖冷鳳山  
蛟涎漬玩石磴道何崎嶇深潭湛古色興雲只須臾馨香巖

地非七里灘名乃千古同神仙聊戲劇何有一絲風釣臺

山川萬古秘雲雨一潭幽何日卧龍起碧潭空自秋潭  
三山豈仙居百世真道學荒臺明月秋懷哉彼先覺山

石

奇石不為峯何為作五面獨立賞春暉水流花片片

石

抽矢射白額歸洞讀舊書小隱不可見後來誰卜居

巖

青天何蕩蕩此中纔一線大道本來明慎勿安所見線

天

東平王繼學

晴瀑欹飛沫曉雲噓空青我欲探頷珠第恐龍睡醒龍  
口

巖

仙苗濯雲根幽池發神光至今池中水猶作芝朮香  
洗

池

丹成人已仙有井在巖竇如何葛稚川萬里覓勾漏井丹  
修廊深石室香烟曳晴虹步虛聲欲斷行道猶未窮廊長

巖

佛將金布地仙以金為嶺笑殺塵世人愛金如愛命金嶺

眞仙妙神化平地可飛昇喝石為此臺將以遺雲仍昇臺

萬物皆自適詎獨鷄與鵬何事巖下叟愛讀南華經逍遙巖

巖阿泓水淺無龍曷為靈老君道猶龍占此一勺清靈湫

湛如規玉瑩冷若清水冽汲來試酌之乃是一片月寒月

泉

山月明銀鈎烟蘿垂帶綠何人啟巖扃挂此一簾玉簾

泉

鑿池不為口游鱗樂其天宜無赤鯁公飛駕琴高仙長生

池

道人昔修道煉形巖穴中道成人已去白雲鎖青松道人

巖

帝遣雷公來為民作年豐天嶠巖下羊孰云非雨工  
巖

壁立千仞岡不與世俯仰憑誰喚元章來此拜石丈  
巖

天人無愚惜讀書乃真仙學堂在巖谷此道今誰傳  
巖

老仙欲飛騰龍鍾恨無翼笙鶴等不來化作峯頭石  
峯

誰將修月斧斲此石一變為報折桂人蟾宮在人間巖  
秋風吹竹實朝陽照梧樹定有吹簫人來此山中住山鳳  
飫聞神仙名不見神仙形何年伸一足蹈在幽巖扃足  
巖

鬼谷久為鬼蒼厓名不磨咄哉千載下儀秦一何多鬼  
洞

白羽無用搖披襟坐空明不聞萬籟響但覺兩腋清風  
桐江一絲風萬古蜚英聲築臺學巖子道人不求名  
臺鈞



澄淵窈深碧波光射琳宮時有聽經叟恐是潭中龍潭  
巖洞深水府貝闕棲幽靈腥霧襲人鼻時作龍涎馨馨香

潭

蓬瀛孰云遠神仙在人間中有列仙象白日生羽翰山

石

一石具五面吐納五方氣遙看石上雲時現五色瑞面

石

陵數未為僻巖穴入深窈山川總市廛茲隱孰云小小隱

巖

巖上天萬里巖下天一線慎勿謂天小有眼看不見線天

金華王金景文甫

噓氣雲修修噴薄雨傾注手擘蒼壁開嶄然頭角露龍巖

長鑱斲靈根濯以上池水餘波濕黃精不洗俗子耳洗池

金丹淪井底千載水渾赤短絆願汲深三嚙生羽翼

鍊丹

井

虛扉開修廊回風走落葉夜月照無眠披衣來步月

長廊

巖

築塢莫漫藏披沙亦良苦小嶺隔仙家黃金賤如土

金沙

嶺

棄世如脫屣竦身即蓬萊臺空白雲滿笙鶴時歸來

飛仙

臺

微陽地中復一鼓元氣行驚起懶龍蟄每作嬰兒聲  
雷公巖

振衣陟高岡質化日已遠天荒地維折獨立心不轉  
石人峯

邃然若夏屋中隱列仙儒常聞伊吾語不讀人間書  
學堂巖

細草胸垂鬚積雪髮颼素相逢或疑年甲子不知數  
老人峯

四萬八千戶斲此寶月圓剛風大地動明鏡驅上天  
何年覽輝下借此松桂栖春風一振羽百鳥不敢啼  
正木以為廬片石以為席朗誦逍遙遊小大各自適  
巖

坎井蔽荆棘居然閔神靈願借一勺水為霖慰蒼生  
清如三危露冷若太古雪舉瓢斟酌之一洗世情熱  
泉

仙家金銀闕低垂白玉簾天風忽卷起珎瑤鳴纖纖  
玉

泉

靈龜或千歲游魚亦有神會此菊潭水盡壽南陽人長池

道人仙去久道人名尚存樵青相雄長竭來欲爭墩道人巖

仙人本空飛可望不可即誰能及踵武徒爾泥形迹足仙巖

青溪絕氛垢靈風滿巖扉空餘山水壽三歎游仙詩鬼谷

巖

山開空洞腹百竅時一噫獨坐碧窓寒洗耳聽天籟

風洞

危石可箕踞投竿俯深清寄語羊裘子釣魚非釣名

釣臺

潭色深黝黑無底通歸虛安得然犀照下燭鮫人居

磔潭

巖谷下空嵌潭底正深黑心清香自聞龍坎在磐石

磬香

巖

三山擁黉宮濟濟衿佩列但使本心明神仙不留訣山

石

削成元氣中屹立高岑律五面雖不同貞堅心若一面

石

朝市亦可隱上界官府多濯足澗下水晞髮陽之阿隱

巖

坐井祇見小一線難求通蒼蒼覆九有無人為發蒙

天

括蒼林傳以道

子昂諸賢賦天冠山五言詩二十八首模寫已盡矣予



遂作唐律一章題卷尾云閑閑道人吳全節

青山特地聳天冠聞說羣仙駕紫鸞浮世黃金空白髮  
倚雲蒼玉尚玄壇松根怪石千年化檜頂飛泉六月寒  
弘景定辭神武去鷗波浩蕩錦江天  
又一日雨中書

日落霞光吸春深雨沫飛昂藏無藝相吐納有仙機  
龍口

巖

好在池中水誰留海上方至今人掬處千載有餘香  
洗藥

池

千年井水亦人道有遺丹姹女顏何在飛仙骨已寒井  
泉飛到地垂借問卷何時昨夜崑崗火仙關渾不知簾

泉

洞府廊千步苔封不盡春升堂并入室今古豈無人廊  
巖

此嶺入仙家金星射日華極知同糞土何用化丹砂金  
嶺

石湧數層臺高人去不迴肉身無羽翼誰復是仙才飛  
臺

欲識逍遙處茲游隘九州一巖能幾許空有此名留逍  
巖

山靈守此宅雲霧起時時人道蓬萊淺龍歸人不知靈  
寒月在泉底酌泉和月吞秋光冰人齒胸次幾乾坤寒  
泉

吞嚙華池水仙傳不死方此池名美耳人壽若為長長  
生

池

道人何許人巖冷耿餘情人已無形影如何問姓名道人

巖

巖裡有雷公巖前劈怪松寥寥天宇大萬蟄幾秋冬

雷公

巖

神散形不化癡頑一老翁仙人鍊石髓何日為還童老

峯

老兔得仙藥依巖晝夜明可憐天上者不似我長生

巖月

石上巨人跡傳聞古亦然巖今露一足那不是飛仙足

巖

巖是仙人宅猶存鬼谷名黃冠如許衆誰解說從橫

巖

日日洞門開清風洞裏來天生仙世界不許有塵埃

風洞

塊石立巖局頑然不復靈空令千載下猶說是仙形

峯

道侶似非儒巖居恐腹虛仙經人不識當是讀何書

學堂

巖

何年來覽德疑此類岐周綵羽今誰見山名自爾留

鳳山

是此斬蛟地腥風冷幾年空巖香氣滿定有水中仙

馨香

巖

臨水臺千尺人家不姓嚴今無釣鰲手贏得老龍潛

釣臺

磔高開洞府宅此有龍君不盡池中水須容世上分

磔潭

三片三根石侵雲品字排時時會孔老東觀復西竺

三山

石

統體一太極居然五氣分無由知良背面面自生雲面石

仙人不可見來往太虛空瑣瑣巖居者何由與爾同小巖

崖高天破碎一線不堪紉莫道女媧死彌縫自有人線天

元統乙未余自洪校文還吾宗丹陽師出示天冠山二十八詠皆朝貴手筆余何敢下注脚然以宗誼重

師請不能辭他日見者必曰何物小子敢污此卷則  
知罪矣祝堯

何年鑿山骨雙闕鬱崢嶸行人不敢近中有風雨聲  
龍口

巖

仙家種瑤草養之日月華藥池流水出世上得胡麻  
洗藥池

羽人千歲去丹井春泉肥何如未央宮銀牀生夕霏  
丹井  
泉影懸玉簾瀑布界青壁神君騎黃鵠隱士歌白石  
玉簾



泉

長廊不可居四時嵐氣寒別有如堂者好作玄都壇廊

巖

金沙生嶺頭仙子見鳥穩空谷無足音高人樂真隱沙

嶺

步上昇仙臺飄然隔萬塵天低星辰近雲氣常逼人飛

臺

朝看碧桃花夕譜洞簫曲大年駐清景逍遙本無欲逍

巖

山中有靈湫古來是龍宅墮月沈流光出雲透深碧

靈湫

洞天在眼中石竇消古雪自有松桂林因之煮寒月

寒月

泉

日月馳兩轂催逼世人老養息長生池千歲童顏好

長生

池

雷公不上天收聲息巖戶龜田嘉禾死為起作霖雨

雷公

巖

弱弱烟霞質宛宛星宿精千歲毛髮青誰呼老人名  
老  
峯

嫦娥老不嫁獨在冰雪宮何年入山中素影滿江東  
月  
仙人本無蹤凌雲逐黃鵠忽見山中人來言有靈躡  
足  
巖

日照神清洞雲封鬼谷巖古仙無姓字榭葉翦春衫  
鬼  
巖

洞口風泠泠日吹松桂寒泉聲夜相和環珮玉珊珊  
風  
洞

高峯似石人天丁斧刀削不見宣和年千秋倚雲幄人峯

仙骨出雲胎邈與文字謝如何學堂巖囊螢昭中夜學堂巖

文鳥出丹穴飛下青琅玕永謝秦王女長依舜樂官鳳山  
種花弱水西軒龍赤岬東夜風吹天香何以博山銅馨香巖

六鼇戴神山仙宅白玉樓釣客坐空臺此物不可求釣臺

寒潭積重泉下有神物棲高秋吹木葉不敢下漣漪  
三山在何處迢遞大江東不待丹經訣欲訪浮丘公  
石

石巖有仙居終古與石存千年穀城山寂寂誰與論  
巖

牛下有謠詩邱中有鳴琴歎彼考槃人千載誰知心  
巖

三山水清淺五面石檀欒苔磴綠蘿合花房映竹盤  
面

石

日車馳九萬天影積一線品彙極太虛何如管中見線

天

栢臺馬伯庸父

呼吸通元氣飛潛順化機風雷生倏忽造物豈兒嬉

龍口

巖

采藥白雲裡洗藥清池中池水尚香潔仙人已乘空

洗藥

池

鑿石通泉脈鑄鼎鍊丹砂丹成騎鶴去滿地生雲霞井  
燦爛金為屋玲瓏玉作簾百泉來百道定有老龍潛玉  
泉

磬聲遠搖曳鐙影明參差洞章歌已徹行道尚委蛇廊  
巖

緩步長廊巖更上金沙嶺慎勿貴金沙忘却昇仙境沙  
嶺

黃鵠去不返白雲還自飛神仙豈無有何事蹈危機飛  
昇

臺

鵬搏九萬里白鷄飛咫尺所以達觀人亦各適其適

逍遙

巖

白雲縹緲起驟雨頃刻來神龍一奮迅為農甦旱災

靈湫

啗水漱齒頰嚙雪滌胃腸此泉若寒月飲之年命長

寒月

泉

滄波幾清淺此水淨無汚應有得仙人洗髓伐毛去

長生

池



巖花自開落山鳥時來去道人息深深凡聖難窺覩道人巖

陰陽一回薄肖翹皆奮飛安知聲原氣蓄此甚細微雷巖

雪披素髮短雲覆錦衣長遠近瞻南極高峯有景光老峯

空巖何圓圓老樹亦纚纚天光雲影中明月忽在指巖月  
神仙已霞舉誰復繼其躅安知蓬萊山在此不移足仙足

巖

晉有鬼谷子術知亦多奇遂令後世士靡靡競趨時鬼

巖

天地本空洞運化無停機冷然萬竅作起自一噓歛風

臨風衣自整對月影偏長獨立經寒暑真成石作腸石

峯

萬象自森列千載瞬息間仙家學無為心境乃清閒學

巖

鳳有五色瑞千載一來翔往者不可見相期白雲鄉

鳳山

月中古桂根巖阿種來久秋風昨夜生馥馥透窓牖

馨香

巖

高臺垂釣人應是經綸手尚父與嚴陵解后豈無有

釣臺

澄潭湛無底頻觀毛髮寒但見龜魚出焉知龍下蟠

磔潭

海上三神山可望不可到即此是三山可與論至道

石

何年星墮天化作五面石面面相看還是一面

五面

石

山深入寂寂澗曲水沄沄顧爾非忘世遺身在白雲小  
巖

蒼蒼倘非天天竟何形似莫於通塞中見此一綫止線  
天

京兆杜清碧

小遊仙詩

鸞書趣燕五城東下視星辰在半空行過瑤臺重迴首

玉清更有有無中

虎豹耽耽守帝閭銀灣水氣曉氤氲石榴花下霓裳隊  
競染香雲製舞裙

城闕芙蓉曉未分身騎金虎謁元君青童不道天家近  
笑指空中五色雲

三十六宮九內春邯鄲却憶夢中身帶將一箇城南樹  
去謁仙班十八人

飄飄仙樂下珠庭又從麻姑降蔡經麟脯鳳脂皆可嚼

長生何必斲松苓

溪頭流水飮胡麻曾折璫林第一花欲識道人藏密處  
一壺天地小于瓜

不到麟洲五百年歸來風日尚依然  
穉龍化作雪衣女來問東華古玉篇

春宴瑤池日影高烏紗巾上插仙桃  
長桑樹爛金雞死一笑黃塵變海濤

高駕飈車過大瀛神官報道褚三清  
新栽鵝管銀簧溢

一曲玄雲鼓未成

天府官曹夙有期金枰玉粟賜漁師一彈指頃天台近  
始悟三生石上棋

此余方外生余善追和張外史小遊仙詩一十解持  
藁來予小能加點讀至長桑樹爛金雞死座客遶床  
三叫以為老鍊喉中語也又如一壺天地小如瓜雖  
老鍊無以著筆矣至正癸卯春王正月上日鍊龍  
老人在玉山高處試奎章賜墨書

明德遊仙詞十首自天柱山傳來依韻繼作雲林道  
氣者觀之亦足以自拔於埃壘矣 雨上

白玉之盤海滄東蒼蒼下視遠如空請看端正山河影  
不滿坳堂杯水巾

鴻寶枕函雲積疊芝臺爐火煖氤氲子能試喫青精飯  
我亦聊書白練裙

夜久扶桑海色分珠宮望拜赤龍君洞庭未省君山在  
元是昆崙一朵雲



藤羅石上尋長迹金粟圖中見小身  
抖擻幾重衣祴看情知不染散花人

厭見霓裳舞廣庭罷看三十九章經  
道人腰著金鷄嘴自向松陰洗茯苓

左股清池足漚麻池中肥水是松花  
早知魏帝一丸藥肯信東陵五色瓜

恥作深山服食仙伐毛洗髓固依然  
木蘭墜露研朱寫只寫南華秋水篇

脚底琴生三尺鯉袖中阿母一雙桃別時勞動凌波襪  
爛月如銀曬夜濤

眼中自小薄蓬瀛日月雙飛下始清見得明窓塵彷彿  
定知草創大丹成

玉格金科自有期赤城何待遠尋師壁校也解為龍去  
樵斧如何只看棋 丙戌歲四月廿日靈石山登善精  
舍寫

向嘗次韻信都趙君季文父游仙詞亡友虎林張君

伯雨父見而愛之亦嘗倚韻以屬和昆山清真觀道士余君復初伯雨愛友也寫所和詩以遺復初復初今年冬款予於吳郡之城南乞予寫昔所和合張君之什併藏之江空歲晚朋友間能詩如伯雨寥寥絕響因寫舊作不能不興感云耳今年至正二十年庚子歲之冬也遂昌鄭元祐明德父

金碧樓臺瀛海東娉婷仙子下瑤空聖凡千古無窮事都在鸞笙一曲中

靄靄身中三素雲朝暉出海共氤氲桃霞沐雨輕勻面  
柳浪含漪細織裙

鳳麟洲上水煙分女伴同祠李少君點定易遷宮裡籍  
步虛攜手踏紅雲

煌煌朱樹四時春樹影玲瓏月滿身理罷玉笙朝斗去  
就中誰是避秦人

雲旗阿母降珠庭母為雙成欲授經塵世登真無要訣  
藥囊辛苦貯參苓

才炊松屑飯胡麻又見蟠桃一度花不為靈姝工服食  
金盤那得棗如瓜

窈窕溪真十二仙靈犀分水夜長然珠宮每按皇人筆  
點定青瑤第幾篇

寶髻駢雲誰最高花間行數舊栽桃笙洲月出星宮近  
騎著神魚舞翠濤

紫皇親駕接寰瀛又見鯨波徹底清仙籍不能無謫降  
塵緣敢恨有虧成

欲採靈芝恐後期魚游千里費尋師不因悟得長生著  
一局纔終未了棋

至正二十年

銀河萬里海雲東直泛靈槎上碧空仙女蹈歌星影裏  
老龍吹笛浪花中

金粟天高碧殿雲鏡中空影夜氤氲白鸞樹下三千女  
一色龍綃玉雪裙

月照旌旗夜未分行宮望拜玉華君衆中王母雙龍駕

飛動神州五嶽雲

令威化鶴已千春  
華表歸來是後身  
城郭悲歌荒塚在  
到頭應愧學仙人

白鶴下啄瑤草庭  
道士夜讀神農經  
問之長生有寶訣  
授以松根千歲苓

溪水流香飯熟麻  
洞中千樹玉桃花  
金盤日日飛仙供  
勅賜安期海上瓜

鬱蕭臺上會羣仙  
龍燭飛光曉夜然  
玉殿歸來環珮冷

白雲猶護古苔篇

麟洲宮殿五雲高  
夜赴瑤池宴碧桃  
借到仙人紅尾鳳  
月中飛影拂波濤

釣天按樂召蓬瀛  
手把芙蓉朝太清  
一曲霓裳羽衣舞  
仙家只數董雙成

長生誰解問佺期  
黃石空為孺子師  
何似山中閒日月  
松陰自了著殘棋

遊仙詩遂昌其最優乎  
貞居仙去不可復得  
清真余



君復初請予和之以繼二妙之後其知言乎昔揚雄  
作太玄曰後世有揚子雲必好之蓋謂作者非難知  
者為難也復初舊有能詩聲予故喜之遂為賦此但  
不可與不知者言耳太原郭翼識

昆侖之墟渤海東下見一壑涵虛空夜深印出千江月  
何處靈光恰正中

秋水為神氣吐雲蘭田種出玉氤氲湘妃為我紉蘭佩  
雅稱青霞襞積裙

每憶貞居語夜分  
深期仙迹寄茅君  
詩篇今落江湖手  
空向晴窓檢白雲

玄圃滄洲日日春  
含胎鍊骨漸輕身  
良宵曾宴飛瓊室  
回首清標惱殺人

元命真人謁紫庭  
三晨授我益珠經  
不知世上長生藥  
歲歲松根珀化苓

搔痒仙姑本姓麻  
羅家萼綠女中花  
楊娥空到楊王宅  
不似孫鍾缺瓜

十洲麟鳳引瓊仙  
喙角連金曉夜然  
月底冰絲調玉柱  
斷絃時續紫烟篇

雲窻霧閣遇情高  
三度能偷幾個桃  
欲把珊瑚都釣起  
六鼇海上駕雲濤

員嶠方壺萬里瀛  
神仙骨格自然清  
翻然直到三清境  
辟穀元來是小成

長生小訣問安期  
大道須尋向上師  
一粒黍珠靈寶氣  
橘中只著二翁棋

予幼侍貞居張君清節吟詩寫字皆漸摩中來貞居  
已矣予方泊化宮超然有退隱志且辟穀有驗偶過  
玉峯清真觀道士余君出示真所繼明德鄭先生遊  
仙詞十首明德復書舊和季文趙君倡句於卷上誦  
之令人毛骨脩爽予雖不敏思貞居昔日之好而明  
德又吾老文伯也敢不援筆續之超然之士能無賞  
音時至正辛丑夏六月初吉益陽道士陸大本頻首  
霞光閃閃五雲東樓觀巍巍照碧空忽報夜池催賜宴

翠鸞飛景月明中

縹緲仙山五色雲  
玉真飛佩度氤氲  
不應名字題仙籍  
猶著唐家舊賜裙

一會仙凡兩地分  
雙雙絳脫賜羊君  
如何窈窕巫山女  
只作襄王夢裡雲

洞草岩花處處春  
壺中日月鏡中身  
飈輪飛度麟洲水  
知是仙班第一人

松飄金粉落空庭  
石上清齋玩易經  
應笑世人工服食

滿頭垂白采參苓

塵寰擾擾事如麻恨我東風易落花  
阿母蟠桃才一熟人間幾度摘秋瓜

瑤樓十二亞相連樓上仙姝笑粲然  
青鳥忽煩將遠意紫霞新寫寄來篇

青童小隊鼓琅璈仙子酣歌詠碧桃  
下視人寰才洵洵紅塵如海漲波濤

青鳥銜書降玉京芙蓉金掌露華清  
深宮無限情緣在

不是神仙不易成

漢武求仙或可期  
仙人誰可帝王師  
山河百二功成在  
不似松林一局棋  
至正庚子十二月望磧里釋淨圭書

曾訪雲英弱水東  
玄霜石白滿如空  
只今身外都無物  
顛倒乾坤子夜中

一碧桃花似白雲  
望中仙氣日氤氲  
雖成未脫烟霞習  
却染石榴為絳裙

湖繞黃陵夜色分  
娟娟孤月照湘君  
夢中只說經行地  
才過陽臺不見雲

九還丹就氣長春  
身外方知別有身  
裁涉凡塵便多欲  
文君莫怨白頭人

風落長松子滿庭  
胎仙飛下護丹經  
世人來問三天事  
自傍雲根劖茯苓

瑤簡瑤文似白麻  
案頭手集雨來花  
中間盛說仙官去  
不似人間代及瓜



瑤池阿母宴瑤仙玉齒微微笑  
輟然應笑有人思獻納  
退朝空檢白雲篇

碧落風清鶴背高  
髻花飛墮武陵桃  
湘江亭上山如鳳  
想見仙人聽夜濤

麻姑飛佩入方瀛  
三見蓬萊淺更清  
漢武不曾離五柞  
翼生毛羽幾時成

樓船何負始皇期  
黃石曾為漢相師  
世有羸劉莫相記  
商巖山下好圍棋

西皇春宴百娉婷  
玉碧桃花滿洞扃  
自飲一杯瑤屑露  
東風吹夢不曾醒

銀河淡淡月輝輝  
洞草岩花夕露微  
笑蹋青鸞作龍馬  
九天涼動五銖衣

雲床烟節紫霞裾  
齊馭冷風集步虛  
若受人間塵一點  
長門又屬漢相如


雙成今是五雲仙  
得奏長書玉帝前  
天上星河春似海  
人間風雨夜如年

至正壬寅春三月五日過崑山雨留清真觀主者余  
復初出示句曲張外史遂昌鄭先生及郭義仲陸德  
中所和游仙詞誦再過神氣超然殆與諸游仙筭鸞  
鳳相下上碧寥間也因記憶早歲侍先君庫使在信  
州時嘗和郡經歷張率性游仙詞四首今廿年矣人  
事變遷城池墟莽雖欲如曩昔賡歌之樂不可得矧  
敢覬游仙樂之萬一者然句曲仙去矣而其詞存則  
出塵之句有足發予之清興是亦一樂也復初因徵

次韻就書舊作於後冀來者同賞鑒云席冒山人王

逢

是卷後三篇陸大本釋淨圭王逢諸詩書  
畫題跋記所不載今依式古堂本足之



六藝之一錄卷三百八十五

欽定四庫全書

子部

六藝之一錄卷三百八十六至  
八

詳校官中書<sub>臣</sub>陸 湘

貢外郎<sub>臣</sub>牛稔文覆勘

總校官檢討<sub>臣</sub>何思鈞

校對官助教<sub>臣</sub>胡予襄

謄錄監生<sub>臣</sub>吳三承

欽定四庫全書

六藝之一錄卷三百八十六

錢唐倪濤撰

歷朝書譜七十六

明賢墨蹟 詩翰

宋仲溫詩帖

秋日懷兄弟

秋至轉相憶蕭蕭木落初如何去鄉國不見有音書漂  
泊全無定存亡半是虛風塵幾時靖還似昔同居

相別幾多時相思淚滿衣家貧經難久世亂得書稀作  
吏誠全拙從軍事亦非鄉心秋塞雁盡日向南飛

懷何孝廉

絕憐何有道老節獨居貧孝義今誰及交情久更真清  
齋將十載小隱欲終身別後音書斷相思入夢頻清  
明前五日宋克書舊詩三首

宋仲溫酬南宮生七言絕句

昨夕端察時雍村人念其非誑心者則此機會之失當



有無涯之憾用敢步來韻再贅下憤作三絕奉去用道  
求之之難而失之之易以增重其所當快悵使不釋然  
於懷而將有所歸咎也幸勿以草惡見擲是望

短牆荒徑倚名花游客春來感興賒何事東風不相惜  
盡吹香艷落田家 和韻

夢落揚州二十年傾城消息竟茫然如今幸識春風面  
又作來生未了緣

紅塵綠鬢送流光四十風情尚渺茫雲雨高唐元是夢

後人空自說襄王 克

高季迪青邱子惜花歎

惜花不是愛花嬌  
賴得花朝伴寂寥  
樹樹長懸鈴索護  
叢叢頻引鹿盧澆  
幾回欲折花枝嗅  
心恐花傷復停手  
每來花下每題詩  
不到花前不持酒  
準擬看花直盡春  
春今未盡已愁人  
纔留片夢依前砌  
全落千英過別隣  
懊恨園中妬花女  
畫幙不禁狂風雨  
流水殘香一夜空  
黃鸝魂斷無言語  
縱有星星在薜衣  
拾來已覺損光輝

只應獨背東窓卧夢裏相隨高下飛  
槎軒高啟

劉伯序

秩

題留春軒詩

時人看花爲花好我獨看花被花惱  
含英結蕊須幾時  
殞紫飄紅如一掃  
人生少小難老成  
纔得老成易枯槁  
寄言年少好看花  
莫待花殘須及早  
花殘畢竟有開時  
人老此生難再造  
何當別置留春軒  
長使花開人不老

陳文東

璧

與時中詩簡

陳文東謹奉書時中節判宗兄孝次近家信至云尊公

下世而吾兄遠迴區區雖在千里病未能興不覺悲喜  
交集始兄除授時得書為慰後二年僕承乏解州因有  
州人送徒至成都之便亦嘗令附狀僕以丁艱東奔竟  
不知沈浮相別六年之間出處凶變各如此可為悽斷  
去歲春初期兄必迴冀得一見兄何為淹許時耶日來  
孝履何似繼聞兩至舍下存問尤見情至僕病兩月甫  
及愈而司銓者呼入選意者造物使之然耶賦得一詩  
為寄并在解州時與前歲期待各一首茲并寫上亦以

見僕不敢忘故交耳

五年不見威州倅萬里遙遙有所思亦幸歸來那忍語  
人生出處正難期進牌方愧天官選卧病誰憐送族悲  
昨夜得書渾不寐枕邊聊詠寄君詩

解州官舍夢後一首

惜昔君為萬里遊今年我亦應徵求夜來夢裏驚相見  
半說威州與解州

期兄迴一首

君家頃有故遠官亦應歸萬里關山遠三年消息稀寄  
書多不達對酒惜長遠相見翻成泣春風定挽衣 茲  
因子盛還謹具此為問尚惟節哀是愛八月初或當遠  
離無吝示及動靜以慰瞻企力書不盡文東奉書凡見  
鄉中諸友幸為我一謝之病餘未能遍作書耳顧文  
照附此致意七月廿一日

周履道詩簡

對春雪一首

璫葉綴玄圃玉羽翔伊川翻靈九霄下呈芳二月前低  
徊隔簾翠玲瓏入綺錢欲消不自駐已斷復成連珠幃  
凝華潔花池舞影妍相思梁園暮曾賞洛城年

昨日賦得此詩寫奉元度孝廉一笑王成老蘇刻還致  
二本餘以五鐙送之復其原值也望徹之春寒佳否砥  
再拜初月十七日梅花有便索一枝見惠甚佳砥

周履道詩帖

言甘知有吝味旨閑其多居恒屬念慮抱朴心靡他淳

風返元化至體適平和意勝惟自然道存諒不磨營營  
彼澆俗機巧滋煩苛身偕百慮長奄忽其奈何 尚朴  
齋一首

貧富不相直衰榮固有時行哉徒自速止尼未為遲崎  
嶇千萬塗辛苦豈要辭風雨羣雞鳴壞屋起晨炊一日  
不解醉千古有遺悲如何屠釣人敢為帝者師 風雨  
一首用高季迪韻

立世守茲道毅然生死間奄去同其盡榮辱豈相關若



人固可悲弔溺吾所艱蕭瑟見遺墨風雨慘容顏秦唐  
去我遠二李無時還世傳斯有在邈哉不可攀 題吾  
子行遺墨後

休沐出自旦騰步非所樂偶茲芸閣賞得遂中林約朱  
輪交廣衢綺麗涉紛錯寧復知閒燕飛蘿散雲壑池魚  
可以觀幽蘭可以握金題耀綳帙粉墨間揮霍覽物千  
古上興謠契冥冥縱縱不復云悠悠付觴酌朋簪既已  
盡善戲不為虐志適孤興遠物遣萬慮薄於世本何資

逍遙每恒若行矣空谷深撫心慚場藿  
雲閣譙集得  
壑字

日暮登高臺浮雲結遠陰樹木何蒙籠野雀噪繁林驅  
車涉關塞岐路鬱且深借問子何之故鄉阻崎嶇曷不  
暫棲息蓬藿非所任隱憫意不發威遲既前臨脆管促  
飛觴鷗絃奮逸音仗劍從此別秋風滿懷襟寡力步非  
窘薄遊志不沈策馬欲俱去我無當世心 贈葉秀才

一首

大江洪流若奔馬橫截中天向東寫吳楚風煙浩蕩中  
海門赤日光相射上將氣吞雲夢澤猛士聲震長平瓦  
靈旗遙指濠泗間神戈暫駐狼山下萬民不擾農業興  
白叟黃童在田野文武之道惟張弛固識賢才天所假  
去年開閭今復來歡呼動地聲如雷願翻長江作霖雨  
沛澤何止沾枯蓼我欽當時羊叔子峴山之碑傳未已  
清德九世其在君緩帶輕裘自茲始 送淮南蘇同僉  
赴鎮

渺渺晴湖白鷺飛青山迢遞夕嵐微閒操桂楫雲生腋  
欲采芙蓉露滿衣紫翠房深丹竈暖松杉秋靜鶴巢稀  
明年去覓封君達應駕青牛說息機 送趙一陽真士  
歸雪上

松花金粉落春晴白鶴看棋如客行疎雨竹窓緣是夢  
隔林茶臼只聞聲繁華久困心何得澹泊相遭思亦清  
不有鹿門高世志山中幾日道能成 次韻介之夢山  
中

落日孤城近海邊  
川流九道直如絃  
朱幡到邑歌來暮  
玉帳論兵思去年  
楚水南迴多賈舶  
虞山西望少人烟  
從來惠化同甘雨  
還使殘民得灑然  
送李用和之常  
熟知州

元度中舍持此紙  
須近詩謾錄如上  
元度年妙才俊清  
辭麗翰有足高於  
人者尚有以取此  
何哉山野人硬語  
政自不滿一笑耳  
至正二十年六月  
八日句吳周砥

周履道與陳惟寅詩帖

絕句四首奉答惟寅高士見贈句吳周砥再拜

誰識元方趣高居湖上山詩成不求賞獨詠兩松間  
感子相存意蘭章謬見推何因石床月同擘薜蘿惟  
列岫供秋色遙風散水文明當思舊隱歸權一川雲  
真方非任世寡默自為身養道窮山裏何闕習隱淪

八月廿一日

野花疎竹媚幽姿翡翠簾前雨散絲最愛陳琳詩句好

玉盤春露捧金芝

秋來長掩竹間扉  
過客誰能識道機  
慚愧廬山陳處士  
時來共葺薜蘿衣

晚風吹雨過林廬  
柿葉飄紅手自書  
無限蕭條江海意  
一尊相對憶鱸魚  
八月廿一日惟寅徵君踏雨過林  
館為留終日因誦近賦絕句三首愛其詞致清婉輒走  
筆次韻如上古道寥寞人以角逐聲利為務惟寅獨逍  
遙恬淡之鄉時來示之篇章翰墨之事豈易得也哉周

砥

張仲簡寄叔方詩

長句一首寄上叔方先生求賜之教張簡頌  
首

盧橘花開梓樹疎故人安穩在樓居  
翠眉狎坐春行酒絳帳懸燈夜讀書  
未必醉來忘簡寂祇緣老去尚高虛  
離羣應念任春者道路天寒欲命車

顧謹中陳君相見詩卷



陳君相見虞山陞驚詫潛夫麋鹿姿髮白每憐欺我老  
酒紅聊爾寄顏衰好諛俗子休論相久別故人欣說詩  
明日歸舟風迅順為傳消息慰癡兒暢月廿七日書海  
虞趙氏書樓友弟顧祿

徐文穆與雪窩詩簡

遠自獲交以來幾三十載中間多承眷愛之情楮毫難  
罄奈何日薄西山又承厚貺何以克當茲因良便謹賦  
拙句以謝於萬一云幸存顧盼是所望也忝友徐遠載

拜雪窩翰相先生契家台席

故人天上分天祿  
白燦珠璣重貝金  
老病蘇時餐一飯  
不堪秋日掛西岑  
七月二十日貢

桂孟平剪燈新話歌

山陽才人疇與侶  
開口為今闔為古  
春以桃花染性情  
秋將桂子薰言語  
感離撫遇心怛怛  
道是無憑還有憑  
沈沈帳裡晝吹笛  
煦煦窓前宵剪燈  
條而晴兮忽而雨  
悲欲啼兮喜欲舞  
玉簫倚月吹鳳凰  
金柵和烟鎖鸚鵡

造化有迹尸者誰一念纔萌方寸移善善惡惡苟無失  
怪怪奇奇將有之大夫未達虎為狗濯足滄浪泥數斗  
氣寒骨聳錚有聲脫幘目光如電走道人青蛇天動搖  
不斬尋常花月妖茫茫塵海漚萬點落落雲松酒半瓢  
世間萬事幻泡爾往往有情能不死十二巫山誰道深  
雲母屏風薄如紙鶯鶯宅前芳草淒燕燕樓中明月低  
從來松柏有孤操不獨鴛鴦能並棲久在錢唐江上住  
厭見潮來又潮去燕子銜春幾度回斷夢殘紅落何處

還君此編長嘯歌便當酌以金巨羅醉來高枕睡一覺  
高車駟馬遊南柯

俞有立晞顏燕坐諸詩帖

晞顏燕坐事心齋悟道圓融渺際涯松桂雪霜存節操  
鶯花雲月寄情懷栖遲自得衡門樂隱約誰如蔗境佳  
水澤遊觀盡舟楫十年幾見換芒鞋

我冠縫掖老儒林卓爾高風識見深白雪陽春傳雅致  
冰壺秋月見沖襟酒杯揖讓長辭醉詩句推敲不厭吟

幾見杖藜歸較晚牽裾稚子足懽心

柳花飛雪夕陽中逝水韶光似轉蓬客況慣曾聽夜雨  
愁懷況復感春風芳林茂樹寒雲合斷岸平田野水通  
穀雨已過秧未綠時時著屐訪田翁

家貧薪水孰攜持幾歲逐貧貧轉隨辟穀有方期采藥  
賣文無益謾吟詩蒼蠅敢慕冥鴻舉跛鼈難追逸驥馳  
自笑無能更多病年來筋力覺全衰昨以鄙句呈竹  
園先生先生再用次韻示教精金美玉愈出愈奇於是

復用前韻以謝不敏朽生俞貞木書

解大紳寄胡端方古詩

井上梧桐雨灞亭卷秋風故人適戰勝匹馬歸山東問  
君今年三十幾能使香名滿人耳君不見雙峰直上幾  
千仞見君文章亦如此如君兄弟天下稀雄詞健筆皆  
若飛將軍金印彈紫綬御史鐵冠重繡衣喬生作尉別  
來久因君為問平安否魏侯校理復何如前日人來不  
得書陸潭山水佳可賞蓬閣閒時日應往自料青雲未

有期明知白髮偏能長樓頭青絲白玉瓶別時相顧酒  
如傾搖鞭舉袂忽不見千樹萬樹空蟬鳴 縉書寄  
端方以寓久別之意云

羅寅菴書雲山詩帖

楷書

雲山蒼蒼烟水浩浩芙蓉九疊吐清冷黛色波光淨如  
掃水邊曲徑山下村勝境髣髴桃花源幽居無塵來客  
少唯有喬林青到門南州公子烏臺客十年作官歸未  
得朝回拄笏對新圖應念山中舊遊跡舊遊陳跡安在

哉夢裏金華仙掌開憑誰更向中流置一葉笑推蓬瀛  
歸去來吉水羅汝敬

楊文敏久雨喜晴詩帖

行草書

久雨喜晴鄙作錄奉吳太史年兄大人和教  
僑居正感虛生夢屹坐轉傷風雨懷水宿雞豚迷舊柵  
土封蚯蚓上危階疎才敢謂身名晚懶性翻疑俗尚乖  
猶幸明良修五事依然靈曜退陰靈榮拜稿

楊文敏郊祀記二首

行書



郊祀恭侍大駕宿齋宮有作奉呈學士苗先生

六合塵清化日熙  
南郊有事致齋時  
暖回玉殿春光早  
漏轉銅壺夜景遲  
五色雲霞依鳳輦  
九天星斗映龍旗  
侍臣肅穆惟瞻仰  
滿袖天香近紫微

虎旅龍驤列兩階  
翠華今夕駐蓬萊  
聖心疊疊祈天眷  
星象森森拱上台  
已喜祥光調玉燭  
更看和氣藹春臺  
禮成明日同稱慶  
歌誦無能愧謏才  
建安楊榮拜手

王僉事發龍泉詩簡

行書

別後至九月盡到任旋即上臨江浮吉水經龍泉上猶  
南抵梅嶺東折而徑長河安遠瑞金石城寧都上下巔  
灘入永豐樂安臨川建昌南豐廣昌望閩關而回日日  
山行數月未已陟危峰緣絕澗入深林窮深極幽無地  
不到幸承雲庇墜處不險險處不墜故得延喘至今此  
後又未知復能作書問起居否也因發龍泉偶興故人  
之思輒成二律錄成呈吟席以發一笑俚歌頗多其景

趣不過如此不敢一一奉達也舊識王鈺拜手

冬至至後發龍泉毒霧漫空山際天方訝吹塵暗河縣  
更疑叱馬上秦川千峯合處微通鳥萬壑分時暫著鞭  
遙想掖垣今夜月幾人陪直對金蓮

路入南康山漸低肩輿差可問茅蹊清心暫對千年樹  
側足驚臨百尺溪野水崩沙餘虎跡天風動竹見猿啼  
老懷無那登臨興回首前村日已西三月廿八日謹書  
列位師保先生學士先生洎舊寅兄前不敢奉問臨

楮張張而已會問幸叱名致敬鈺再拜

楊文定遊正陽門詩帖

行楷書

遊正陽門詩錄呈學士苗先生

列聖經營式廓同幸逢當宁底成功九天日月層樓表  
萬國江山一望中豐水豈徒懷禹績冀都今喜復堯封  
清遊汎值開新霽柳拂金河跨玉虹 右一

登樓直上最高層下瞰中原萬里平水出西湖環紫禁  
山連東岱拱瑤京累朝都邑于今盛先帝經營此日成

自古臣勞君道逸  
兔置千載詠千城  
右二 南郡楊溥

王泉坡幽棲詩帖

絕好幽棲地  
沈沈萬木陰  
高崖宿雨潤  
古屋暮雲深  
草色含芳意  
溪光澄素心  
偏宜憲府客  
相對日長吟  
臨川王英

李古廉與苗學士詩簡

楷書

舊歲殘臘  
承枉顧橋門  
是夕又至朝房  
以慰岑寂  
非愛

厚何以至此謾成絕句二首專錄奉呈改教幸甚學士  
苗先生友兄

雪積空庭未掃除病來自覺故交疎不緣知己情偏厚  
肯冒寒威到弊廬

獨坐高樓對燭明忽聞窓外馬啼聲從容款語過深夜  
別是交游一段情 老友李時勉拜手

李古廉呈都帥詩簡

承示阻雨佳作奉誦再四辭意兼至深用敬歎荒寂中

情思不舒辱愛厚不敢以默聊用和答專錄奉呈改教  
幸甚都帥湯大人閣下

將軍志高才且俊好賢樂道多風韻在鎮三年一事無  
閱武巡兵到鄉郡山城十日雨不收水滿長河泥沒脛  
黃鸝翅濕未遷喬翠竹叢低自遮徑獨宿村居厭寂寥  
遠傳剡曲乘高興且將尊酒接歡娛不管長塗有泥濘  
醉來興盡忽復歸鳥啼花落江村暝相望孤城雲不開  
相思遠水心猶競忽枉雲箋佳句傳驚喜逾時未能定

開府清新世已聞  
杜陵雄傑人難並  
我慚潦倒無所為  
陰雨愁來苦多病  
直待新晴出送君  
謾寫離懷繼高詠  
辱知李時勉拜手

李古廉青山詩帖

楷書

青山迢遞帶長林  
山下柴扉野樹陰  
路轉清溪多暑氣  
天空涼吹落泉音  
石牀雨後雲猶濕  
竹道人希草自深  
我欲與君同寄傲  
未知何日解朝簪  
吉水李時勉

于忠肅書落花吟



昨日花開樹梢紅今日花落樹頭空  
花開花落尋常事未必皆因一夜風  
人生行樂須少年老去看花亦可憐  
典衣沽酒花前飲醉掃落花鋪地眠  
風吹花落依芳草翠點胭脂顏色好  
韶光有限蝶空忙歲月無情人自老  
眼看春盡為花愁可惜朱顏變白頭  
莫遣花飛江上去殘紅易逐水東流

陳祭酒古嫫詩帖

古嫫多名山羣峰天際出林密夕景遲  
溪靜波光溢宛

若桃源鄉靈巖可潛跡壽命匪松喬披圖慨今昔安得  
與子游策杖招隱逸 慈溪陳敬宗

徐元玉

有貞

罔極詩帖

親有罔極恩子有罔極思思親莫能報徒抱終天悲吾  
人同所感景迫桑榆時悠悠風木心永言以相詒惟當  
崇令德顯揚良可期天全翁

許道中朝退詩帖

行書烏絲闌

昨承學士高先生有朝退邂逅之作捧誦再四感慰益

深因兩和其韻發乎情者不能已也謹錄奉學士苗先生目入幸幸

詩書慶澤紹華簪直道匡時德量深愛主日邊多啟沃  
憂民海內少呻吟金蓮照夜論思退紅日移磚劍珮臨  
最是同年知素履冰壺秋月絕塵侵

垂紳端笏正纓簪德望中朝著注深推轂肯留青眼顧  
彈冠竊效白頭吟詩來下里誠難和字出蘭亭未易臨  
藥籠近聞多異品向陽花木畏寒侵侍生東魯許彬棠

呈

邱時雍忠烈祠詩帖

行書

復次韻忠烈祠一首錄奉李先生求教幸勿  
效司馬稱好也呵呵

經濟雄才可太平遭逢仁聖也難行共期樞筦還當軸  
豈料彭城不返旌道啟橫渠云有樂名齊魏國恥論兵  
廟顏忠烈祀鄉土瞻拜儀容儼若生字愚子邱霽稿

劉廷美寄瀼西詩并東

行楷書

鄙詩一首用致遠懷錄寄瀼西鄉兄至契閣  
下希笑覽焉

塞雁南飛日書來見故情大夫新拜寵高士舊知名官  
簡餘閒少心勞太瘦生春風阿閣上重聽鳳凰鳴辱友  
劉珏

張汝弼裁杏詩簡

友弟張弼頓首貳教用亨先生執事禮闈之火區區幸  
得無恙不勝幸矣秋間事尚未知何如今日企羨執事

之優遊清適猶跨鸞鶴而翔寥廓也何可得哉火後移  
館偶賦栽杏一詩敢敦呈左右用發八千里外之一笑  
詩曰玉河東畔春坊裏借得閒齋寄此身偶見攜來山  
杏好買栽不計客囊貧孤根元荷乾坤力嫩葉都含雨  
露春擬醉紅雲香霧底曲江風景一番新

張亨父會稽山水詩帖

楷書烏絲闌

朝散塗山世屢移越中濠上盡堪疑奠山平土神功遠  
九域何妨遍禹祠 塗山

萬壑千巖一鑑中  
酒船搖蕩藕花風  
清歌落日思狂客  
可得風流萬古同  
鑑湖

碧樹寒巖與世辭  
丹功惟有冷泉知  
一般天地飛升去  
何處仙山日月遲  
葛仙井

一掬蒼波歛衆川  
雨晴時墮赤闌前  
滿亭涼思誰禁得  
倚杖來吟秋水篇  
望海亭

高寺多風易落花  
漫憐宮界足烟霞  
數村荒樹山鐘外  
不辨逍遙隱吏家  
梅山寺

津口無風波不興  
棹郎將艇勸郎登山  
明水秀不歸去  
日暮秋濤子細乘  
西陵渡

南風雨過若耶深  
蓮女菱歌亂別心  
後夜繁霜凋綠蓋  
洞房歸去理秋砧  
若耶溪

聞道飛來一夕間  
瑯琊秀色越中看  
何年肯補鰲峰闕  
絕頂安身待羽翰  
飛來峰

一江秋水澹無情  
一葬曹娥便有名  
抵死不忘忠孝理  
有靈須媿屈先生  
曹娥江



區中不見巨鰲來陸海天  
成紫翠堆秦帝望仙仙更遠  
茲山真是小蓬萊 小蓬萊

巖洞冥冥一穴虛禹谷山鬼  
護藏書皇靈肯念民多事  
煥啟玄文示古初 禹穴

內史風流頗放形半酣隨筆序  
蘭亭為誰一唱三興感  
樂極悲來萬古情 蘭亭

樂生誰不慕彭錢可是商時好  
古賢遲死不曾聞大道  
山中鹿豕亦長年 彭山

俯仰乾坤一嘯吟  
舊遊回首幾浮沉  
三山浪比三鼉息  
誰見仙人戲碧岑  
三山

宛委山顛古石臺  
苗龍去後少仙才  
月明昨夜聞清唳  
白石先生化鶴回  
降仙臺  
婁江張泰

侯東樵孤松詩帖

草書

孤松隙處漏寒雲  
弘景山中自有春  
老鶴踏殘枝上月  
白衣不受世間塵  
碧陰落落垂書榻  
金粉飄飄襲醉身  
劖得茯苓和石煮  
始知天地有閒人  
東樵侯方

姚公綬書溪東篇行書

賢哉許仲子孝友乃其德藕花溪水東置此一區宅兄  
存既能让兄亡心不易宜惟讓其居潤色可為則朝開  
溪上窓旭日蕩波色暮歸溪上舟渚禽飛格格三子森  
如玉長作芹泮客進道觀逝川晝夜窮簡冊尋常登龍  
門變化奮六翮仲季事畎畝勉動稼穡春祈歲十千  
秋取禾三百嬉嬉婦子間啟處足衣食閒暇陳八簋邀  
我話疇昔我在兄弟行年齒髯鬚白醇醪常我醉醉卧

月下石情猶不自已臨流曾促席惟余母黨親仲子立  
行特南風藕花開錦雲手可摘觀魚倚闌檻意趣互閑  
適相去雖密邇別去輒馳憶田間固無營欲屢何可得  
有時來吾村需我以文墨為書溪東篇層空動瑤碧成  
化甲辰六月二日表兄姚綬書於江南水竹村

姚公綬贈金良德詩

御史大夫金豸冠兩廣節鉞得一韓民懷吏畏邊患息  
信賞必罰嚴而寬偉哉廟堂梁棟具出將暫作邦家翰

萬里何曾遺故舊，惠扇重若青琅玕。扇中畫景掃凡俗，  
振然三鷺浴清湍。綠楊風高野岸濶，潔白疑在西籬看。  
將門難弟皎玉雪，謂有此弟兄尤難奉。揚仁惠弗敢後，  
嗟予衰病狎鷗鳥。無夢爭趨鷺與鸞，因君保此需白戰。  
強顏一笑登詩壇，成化癸巳六月廿有一日姚綬為金  
良德書於天光雲影亭。弗敢後下  
疑有脫句

姚公綬書贈菊坡高士詩帖

堂偏有地栽叢菊，菊外無塵結小亭。何處滿籬秋爛爛，

此中清景月冥冥主人自對多青眼若個相者是白丁  
能屈王弘送酒使謾勞陸羽煮茶經重陽定不嫌皆醉  
舉世惟應笑獨醒君已種來酬逸興我將分去對頽齡  
從教五柳當門碧忽見南山向晚青須挿滿頭成眷戀  
籬邊開口重丁寧谷間飲水知甘味卷裡題詩頌德馨  
朝拾落英和湛露夜吟蓬鬢帶疎星曾容翠竹陪孤主  
莫把春光嘆易零三徑宛存頻雁蕩一舟常許度鳬汀  
風景似仙家山厨飢熟麻恐人知姓氏避地隔烟霞流

水一溪雨種桃千樹花莫教漁父識出向世間誇

姚公綬送雲東逸史雜詩卷

東風吹雨不終日東風吹酒不上面送君鼓棹歸錢塘  
問君定在何時見君言清明三月三桃紅李白皆相似  
放舟直抵水竹村醉欲題詩大雲寺 酌橘奕于中心

堂贈別 綬

臘盡分攜此水頭經春歷夏又逢秋白蘋半沒來時路  
綠樹重維去日舟沈約病腰多瘦瘦張翰歸興獨悠悠

一行一住情何限雲影蟬聲驛外樓  
留別姑蘇吳元壁時元壁病酒不得會故於詩及之  
閏六月二十日綬採藥不採芝以芝名藥色常來佩蘭人親薰自朝夕種竹多近水取鉤曾釣魚客來知姓氏節下亦堪書  
右五言絕二首丹邱

松門早已為君開何事期君竟不來  
想是落花泥尚濕嬾移雙屐向蒼苔

一尊欲向竹間開常日愁無好客來  
獨酌有時還獨醉



碧溪明月照蒼苔

初夏招陳惠民遊五畝園不果以

此柬之姚綬

鳬鷺渡口烟蒙樹蘆荻聚邊月暎沙絲竹一船詩共酒  
風流不羨五侯家

竹下幽亭竹外山山中流水日潺湲一彈古調無人愛  
只有白雲相與閒

霜落吳江楓葉殷酒船輕蕩過前山如何毛骨清如許  
月在蘆花淺水間

孤鶩舟邊見白蘋山橫秋氣樹迷津  
櫓聲咿嘓誰家去  
疑訪成都賣卜人  
題日者孫翁綬

姚公綬咏物詩冊

片片鱗鱗傳粉初夜來青女定躊躇  
鴛鴦披素朝凝慣  
翡翠生華露結餘寒氣簷端先積聚  
暖梢隙處後消除  
戴家茅屋山陰雪致客迴船恐未如  
霜瓦

兒童嬉戲捻窩成空洞燃膏晃眼明  
戶外素光隨手滅  
案頭虛白帶寒生獨饒金剪三更凍  
相似銀釭一味清

問昔孫康曾用否憐余卒歲事長檠雪燈

竿老如松可棟梁新煩匠氏結茅堂牖明月散湘雲影  
椽近風飄粉節香酒甕少時浮沆瀣鄰家今日見裘羊  
涼聲撼動秋如此棄置籃輿也不妨竹屋

溪藤剪綴玉生光非幕非幃稱我床雪作流蘇纔得似  
繭為房舍豈能方招邀梅月情同潔勾引梨雲夢獨香  
漢武昔年如見此肯將甲乙漫收藏紙帳

地不多寬僅一方書堆四角卧中央十升為度應難並

咫尺於人未可量有酒待需勞婦置無屏能掩倩雲防  
渠渠夏屋潭潭府空為兒孫計肯堂 斗室

三尺分光夜照書書窓坐對夜何如新涼可近知秋到  
繼晷相親是晝餘几案過高徒自累文房資助不為虛  
銅盤絳燭嗟何補不照逃亡照綺疏 短檠

鑄來便覺類胎仙分頸含香細吐烟立對匡廬當此日  
飛歸華表是何年首山材質終成器坎水鳴飛若聞天  
警露無因秋夜靜炷薰移近枕屏前 銅鶴爐

工巧成杯細釵彫物形何事不能逃雙螯直立人驚畏  
八足橫行酒動搖烏有先生常用續無腸公子不須招  
夜深徧席三巡處紅燭光中儼上潮 銀蟹杯

毛自山中短褐來霜鋒揮霍別長才足奔月窟非徒爾  
錐畫沙場亦快哉君不中書因老子能作傳重徘徊  
無由一問江淹事幾見花從夢裡開 兔毫筆

修斲孤桐不記年於今零落又無絃文侵蛇腹交加斲  
穴與龍池咫尺連幾點殘徽星散去雙馳逸足雁迴旋

牙期相對嗟何及酒盡當時碧澗泉 破琴

鍛葉為筒竅引聲昔人網得借龍名憑金幻出於中巧  
比竹吹來分外清楊子半酣聊托興桓生三弄不勝情  
仙翁約我瑤池去更欲桃花樹下鳴 鍊笛

晨興初對不能離開匣登臺似有期落月在梁非夢見  
初霜侵鬢是心知唐鬟婀娜難勝髻張敞風流且畫眉  
莫為日高忘拂拭塵昏安可別妍媸 曉鏡

鍛成雙股配柔剛疊就雙鋒自斂芒巧匠誇工冰雪瑩

佳人到手歲年長  
割開素繭還憐蛹  
裁破文鴛不近鴛  
恐墮吳淞無網處  
錯教人認作魚腸  
剪刀

雪剪香羅小小裁  
隨人只向袖中來  
春兼錦字人如玉  
夜拭銀箏月似杯  
幕首肯嫌膏被髮  
留痕爭怕淚盈腮  
鮫人亦有閒機杼  
借織生綃恐致猜  
手帕

時製為巾重裏頭  
功須挑織線纖柔  
目張不為忙中減  
網舉都從頂上收  
小岸烏紗頻照鏡  
輕籠白髮淡宜秋  
共言乞得天孫巧  
借問佳人果是不  
網巾

莫剪鴛鴦製合歡帛中棲纈禦嚴寒公孫用布原非儉  
兄弟同衾亦自安薄煖侵膚春在繭微溫塞枕絮成團  
抱裯相近宵征者星在東欄漏未殘 綿被

美人絲縷藉渠纏百轉千回斷復連共處閨房消白日  
獨隨刀尺度流年短長有限惟營繞寬窄無多競取憐  
至節添功須此出手中應得借餘妍 線板

東井青絲閱歲年亭深塵靜只高懸轉來最喜銀床滑  
汲去全憑玉虎牽斷響有時秋月下連聲無數曉風前



九迴腸為春愁役更似河車不住旋  
轆轤

編草成襟袖可無剪裁誰箇費工夫帶烟農父徂畛隰  
披雪漁翁入畫圖鷺羽能添新趣向羊裘不換舊規模  
得渠便不愁風雨短棹春江獨自娛  
蓑衣

三尺惟憑一縷緡竿頭搖颺屬漁人近牽杜若洲前月  
遠繫桃花浪裏春自分高風能補袞誰言獨繭可為綸  
相持去約任公子用掣如山截海鱗  
釣絲

飛雪無由沾鵝袂歸途有分失烏衣不隨柳絮依稀去

常逐梨花自在飛夢斷玉樓驚月落愁迷粉蝶送春歸  
黃泥墳上堂存否華髮坡翁可暫依 白燕

角雜青紅刺亦多摘防傷手更如何出湖蕩漿風初起  
分葉移船水不波翻覆謾勞雙眼力往迴相趁一聲歌  
夕陽歸路攜筐管秋滿蘋花點碧莎 採菱

竹半過牆殞在林露梢零落選苔深粉銷已識風香遠  
斑在端疑淚點侵入剪且供閨婦手栽冠殊稱野人心  
錦棚更錫佳名號好為堂前稚子吟 筍籜

朝露纔晞便趁風高低去住任西東舞猶白雪還鋪逕  
繫向游絲只在空啄啄江頭知鳥雀行行隄上看兒童  
章臺走馬春歸矣飛逐雕鞍得暫同 柳絮

送不須期嗅不消穿簾淡淡忽迢迢雨從曲徑開時濺  
風自中林隙處飄和露上衣驚寢曙薰人到枕可憐宵  
玉壺若扣鴛鴦事安得虹飛百里橋 花香

樹底枝頭見漸稀紛紛紅白點苔衣雨中過眼千嬌失  
風外傷心一片飛故態似隨蝴蝶化殘香疑道晚春歸

丁寧童僕無輕掃尚把餘妍媚夕暉  
花落

少時嘗見先君子松雪公誦謝宗可咏物百首亦能記  
其一二邇來五十餘年四方馳逐百事萃心忘去久矣  
弘治戊申七月因與式之輩晚酌聞其所誦謝詩三首  
重有感焉即席依韻追次八月四日自蘇還抵平望偶  
自賦三十餘首子旬頗銳志此藝因以此紙作烏絲就  
其廣長書凡二十六首付與見余感今思昔者又將托  
此以傳旬尚勉之雲東逸史記

又云因余甥伍式之誦宗可韻用之為剪刀手帕白燕  
詩凡三首公綬

六藝之一錄卷三百八十六